



FRATER ARCHANGELVS SCOTVS FRATRVM CAPVCINORVM
DIFFINITOR PROVINCIALIS.

(206)

P. F. ARCHANGELUS SCOTUS, Concionator, materno ex genere Regia-
stirpe oriundus, utpote Margarita Gordonia progenitus, filia Marchionis de Huncle,
cujus antecessor Regis Scotiae filiam de sanguine Stuartorum in uxorem duxerat,
paterno quoque nobilissimus exiit. Patre namque Comite de Forbes, ditione, &
opibus potente ortus, praelaram ex utroque Parente generis nobilitatem tulit,
quam praelioribus virtutibus maxime exornavit. Dilpar erat parentum cultus,
ac religio; Margarita mater fidem Catholicam omni studio colebat; Forbelcus Pa-
ter Calvinianae Sectae pertinaciter adhaerebat. Hinc Margarita, accepto repudii li-
bello, pro fide profuga, Archangelus noster, necdum natus, (utpote materno
clausus in utero) pro fide fugas, exilia, persecutiones perpeti, ac pro justitia
agonizare coepit. Ablactatus puer a matre abstrahitur, quem illa, ubi rationis, &
judicii compos esse potuit, clam per internuntios ad Catholicam Fidem sedulo co-
hortabatur. Adolescens factus, a Jacobo Gordonio Societatis JESU Presbytero,
ejusque Patruo in fide instruitur, roboratur, & confirmatur, atque a pestifera
haereseos labe, quam ex consuetudine Patris, ac sororum contraxerat, absolutionis
Sacramento expurgatur. Pater filium a priori statu immutatum cernens, & Catho-
licum suspicatus, protinus ei Nobilissimam puellam haereseos imbutam matrimonio
copulandam decernit, quae illum a Catholica Religione averteret. Dissimulat pro-
vidus adolescens, choreis vacat, simulat procum, nuptias urget, ut omnem sui
propositi suspicionem Patri adimat. Interea de futura sponsa opportune deferenda
secum cogitat; cum quodam die a venatione defatigatus sederet, in visu pauperum
quorundam Religiosorum, quorum se nunquam, aut habitum, aut formam vidisse
meminerat, in supplicationis modum ordinate incendium agmen conspicit, quo

ille ad aspectu attonitus, paulatim se erga illos affici, & ad eorum imitationem di-
vino quodam impulsu petrahi animadvertit. Hinc igitur magis animo ad fugam
accensus, ludo postredie simulato, longius a Castro procedit; cumque in Adole-
scentem ovium Pastorem incidisset, vestes suas cum illo commutatus, paulatim se
ex illius oculis abripit, donec, navigio concessio, Antuerpiam adnavigat, hoc
modo, alterius Alexii instar, paterna domo, parentibus, sororibus, amplissima haere-
ditate, primogenitura, cum his pariter & sponsa summa animi constantia relictis,
ad ignotas sibi terras perrexit. In his Genus suum reticens, plurima sustinet in-
commoda, carceres, inedias, emendicataque stipe quotidie victitans, tenui cibo
delicatum sustentabat corpusculum: donec ope Domini Ludovici Clariis, inter urbis
pauperes connumeratus, annis insuper ejus impensis in lingua Belgica, & Latina
instructus, Anno aetatis suae 23. inter Capuccinos cooptatus, Religiosum mira-
nisi voluptate in omni virtute auspicaretur tyrocinium. Post solemnia vota inter
humiles humillimus, inter pauperes pauperrimus, inter honestos honestissimus ap-
paruit. Viliora quaeque domus ministeria sedulo amplectebatur; frequens, & sin-
gularis abstinentia, vitaeque austeritas ita exesum, atque exsiccum praestiterant, ut
caro praemortua viventem spiritum testaretur. Ad praedicationis munus assumptus,
miro astuans Catholicae Religionis zelo, trecentos, & amplius Dimindae praedica-
rios milites Scotos ad fidem perduxit: Menensis quoque plurimos haereticos JESU
Christo peperit. Post haec Archangelus Teneramundam cum Guardiani potestate
profectus, Vestmonasterii pestilenti morbo corripitur, quo tandem consumptus, in-
ter Fratrum manus expiravit, perenniter in patria coronandus, qui voluntarium pro
fide hic sustinuerat exitium. Obiit anno aetatis suae 36. a Christi Nativitate 1606.